



**ПРАЗДНОВАНИЕ  
ВТОРАГО ОБРЕТЕНИЯ  
И ПРЕНЕСЕНИЯ ЧЕСТНЫХ  
И ЦЕЛБНОСНЫХ МОЩЕЙ  
ПРЕПОДОБНОГО  
И БОГОНОСНОГО  
ОТЦА НАШЕГО ИОНЫ,  
КТО ТВОРИМ В НЕДЕЛЮ  
ПО ВСЕМИРНОМ  
ВОЗДВИЖЕНИИ ЧЕСТНОГО  
И ЖИВОТВОРЯЩАГО  
КРЕСТА ГОСПОДНЯ**



**Празднование второго обретения и пренесения честных и  
цельбоносных мощей преподобного и богоносного отца нашего  
Ионы, еже творим в Неделю по Всемирном Воздвижении  
Честного и Животворящего Креста Господня**

Праздник же сей празднуем по обычаю, сиесть  
правим всенощное бдение.

*Зри, яко попразднства служба оставляется за  
величие святого, понеже тако повеле Главы о  
храмах.*

**НА ВЕЛИЦЕЙ ВЕЧЕРНИ**

Кафизма 1-я вся. На Господи воззвах поставим  
стихов 10 и поем стихиры Воскресны приходяща-  
го гласа 3, и восточна 1 и святому 6, глас 1. Подо-  
бен: **Небесных чинов:**

**Небесных чинов** радование\* и на земли челове-  
ков веселие,\* в наставшее ныне торжество\* че-  
стнаго обретения чудотворных мощей\* во отцех  
великаго и преподобнаго Ионы,\* того молитва-  
ми, Христэ, спаси души наша.

**Выспрь** на небеси Ангели радуются,\* и низу на  
земли человецы ликоствуют,\* и Церковь Божия  
украшаема, веселится\* о преславном пренесении  
честных мощей твоих,\* отче Ионо, Христу вопи-  
ющи:\* Ты ми держава, Христэ, и утверждение.

Глас 6: **Приидите**, празднующы\* и постников  
сословие,\* верою сошедшеся,\* истиннаго пост-  
ника почтим днесь, Иону\* с веселием шество-  
вавшего по стопам Владыки своего\* узкий путь  
и безстрастную жизнь,\* и верою возопим:\* о  
всеблаженне!\* Преподобным сожителю и пост-  
ником похвало,\* о нас молися ко Господу,\* по-  
миловатися душам нашим.

Ины стихиры святому, глас 4. Подобен: **Дал** еси  
знамение:

**Дал** еси украшение Церкви Твоей, Господи,\*

честныя и многоцелѣбныя мѡщи\* преподѡбнаго  
Иѡны, Твоего угѡдника,\* и, яко ѹтварь царскую  
имѡщи, красѹется,\* и, яко венѣц пресвѣтлый но-  
сящи, веселится,\* созываѡщи своя чада,\* ихже  
водѡю и дѹхом евангельски породѣ.\* Тѣмже Твое  
человеколѡбное смотрѣние славим,\* Иисѹсе Че-  
ловеколѡбче\* и Спасе душ наших.

**Д**ал еси державу необорѣму\* стѡльному граду  
Кѣеву, Господи,\* и всем Рѹсским концѣм утвер-  
ждѣние,\* честней же обѣтели Твоей твѣрдое ук-  
реплѣние\* и стѣну непоколебѣму — \* цельбонѡс-  
ныя и свѣтыя мѡщи\* преблаженнаго Иѡны, Тво-  
его рачителя.\* Тем Твоя человеколѡбныя щед-  
роты славим,\* Иисѹсе Всесильне\* и Спасе душ  
наших.

**Д**ал еси Рѹсскому отѣчеству, Господи,\* твѣрдое  
защищѣние, и оружье спасѣния,\* и воѣм его ве-  
ликое на сопротивныя одолѣние,\* свѣтителем же  
честное украшѣние\* и всем болящим врачевство  
безмѣдно — \* свѣтыя мѡщи преподѡбнаго и треб-  
лаженнаго Иѡны,\* ихже ныне радостно облобы-  
заѣм,\* исцелѣния различная приѣмлюще.\* Твое  
неизреченное милосѣрдие славим,\* Иисѹсе Бла-  
госѣрде\* и Спасе душ наших.

**С**лава, глас 6.

**П**риспѣ днесь прѣздник пренесѣния честных тво-  
их мѡщѣй,\* преподѡбне ѡтче наш Иѡно,\* созы-  
вая всех вѣрно торжествовати,\* в пѣмѣть твою  
глаголюще:\* радѹйся, Божѣственнаго Дѹха жи-  
лице всеосвященное и стѡлпе благочѣстия.\* Ра-  
дѹйся, иже Бѡгом данный тебѣ талант умножи-  
вый, преподѡбным похвалѡ.\* Радѹйся, мѣру све-  
тѣльниче всесвѣтлый и наше утѣшѣние.\* И ныне,  
предстоя Христову Престѡлу,\* моли избавитися  
нам от всякаго гнѣва и скорби\* и бѹдущюю славу  
получити,\* вѣрно прѣзднующим свѣтѹю твою пѣ-  
мѣть.

**И** ныне: Богородичен 1-й, приходящаго гласа.

Вход. Прокимен дне. И чтения.

Притчей чтение.

**Па́мять пра́веднаго с похва́лами, и благослове́ние Господне на главѣ егѡ. Блаже́н челове́к, иже обре́те премудро́сть: и сме́ртен, иже уве́де ра́зум. Луч́ше бо си́ю купова́ти, неже́ли зла́та и сребра́ сокрови́ща. Честне́йшая же е́сть ка́менный мно́гоценных, все же честное́е недостойно ея́ есть. Долгота́ бо дней, и ле́та живота́ в десни́це ея́: в шу́йце же ея́ бога́тство, и сла́ва. От уст ея́ исхо́дит пра́вда, зако́н же и ми́лость на язы́це но́сит. Послу́шайте у́бо мене́, о ча́да! честна́я бо реку́: и блаже́н челове́к, иже пу́ти моя́ сохра́нит: исходи́ бо мой, исходи́ живота́, уготовля́ется хоте́ние от Го́спода. Сего́ ра́ди молю́ вас, и предлага́ю мой глас сыновѡм челове́ческим: я́ко аз премудро́сть устро́их сове́т, и ра́зум и смысл аз призва́х. Мой сове́т и утвержде́ние, мой ра́зум, моя́ же кре́пость. Аз мене́ любя́щая люблю́, ищущи́и же мене́ обря́щут благода́ть. Разуме́йте у́бо незло́бивии кова́рство, ненаказанни́и же прилага́йте сердца́. Послу́шайте мене́ и па́ки, честна́я бо реку́, и отверзу́ от усте́н пра́вая: я́ко и́стине поучи́тся гортань моя́, ме́рзки же пре́до мно́ю устны́ лживы́я. С пра́вдою вси́ глаго́лы у́ст мо́их: ничто́же в них стро́потно, ниже́ раз-**

вращенно: Вся права суть разумевающим, и проста обретающим разум. Научу бо вас истине, да будет о Господе надежда ваша, и исполнитесь Духа.

Притчей чтение.

Уста праведнаго каплют премудрость, язык же неправеднаго погибнет. Устне мужей праведных каплют благодати, уста же нечестивых развращаются. Мерила льстивая мерзость пред Господом: вес же праведный приятен Ему. Идеже аще внидет досаждение: тамо и безчестие: уста же смиренных поучаются премудрости. Совершение правых наставит их, и поползновение отрицающихся упадет их: Не пользуют имения в день ярости, правда же избавит от смерти. Умер праведный, остави раскаяние: наручна же бывает и посмеятельна нечестивых пагуба. Правда непорочнаго исправляет пути, в нечестие же падает неправда. Правда мужей правых избавит их: безсоветием же пленяются беззаконнии. Скончавшуся мужу праведну, не погибнет надежда: похвала же нечестивых погибнет. Праведник от лова убежит, вместо же его предается нечестивый. Во устех нечестивых сеть гражданом, чувство же праведных благопоспешное. Во благих праведных исправится град, и в погибели нечестивых радование: Во бла-

гословѣнии правыхъ возвысится градъ, усты же нечестивыхъ раскопается. Ругается гражданомъ лишенный разума, муж же мудрый безмолвие водитъ.

**Премудрости Соломоновы чтение.**

**П**раведныхъ души в рудѣ Божией, и не прикоснется ихъ мука: Непщевани быша во очесехъ безумныхъ умерети, и вмѣнися озлобленіе исходъ ихъ: И еже от насъ шествіе сокрушение, они же суть в мѣре. Ибо предъ лицемъ человѣческимъ, аще и муку приимутъ, упованіе ихъ безсмертія исполнено: И в малѣ наказани бывше, великими благодѣтельствовани будутъ, яко Богъ искуси я, и обрете ихъ достойны Себѣ. Яко злато в горниле искуси ихъ, и яко всеплодіе жертвенное прийтъ я. И во время посѣщенія ихъ возсияютъ: и яко искры по стѣблию потекутъ: Судятъ языкомъ, и обладаютъ людьми, и воцарится Господь в нихъ во вѣки. Надеющіися Нань разумѣютъ истину, и вѣрнии в любви пребудутъ Ему. Яко благодать и милость в преподобныхъ Его, и посѣщеніе во избранныхъ Его.

**На литии стихира храма и стихиры святому, глас 1.**

**П**риидите, священныхъ собори\* и православныхъ исполненіе,\* приидите, монаховъ совокупленіе,\* и внидемъ, радующесея, в церковь Бога нашего,\* и чудотворную раку преподобнаго отца Іоны обымемъ радостно,\* яко чудесъ сокровище

неизъёмлемо,\* и, честныя его́ мѳщи любѳвию лобызѳюще,\* различных недѳг свободѳмся,\* и душѳм спасѳние приѳмем, вопиѳюще ему́:\* о всеблаженне ѳтче Ио́но,\* моли́ Преблагѳго Бо́га нашего\* даровѳти посѳбие на враги́ ѳтѳчеству нашему,\* и спасти́ дѳши нѳша.

**Д**несь веселѳтся нѳбо свѳше,\* и земля́ радуется с челове́ки,\* и да ликовствѳют новоизбраннии рѳсстии собѳри,\* и светлоторжествѳуют мона́шеская совокуплѳния,\* свѳтѳяя же Цѳрковь Бо́жия и дѳвная в правду,\* я́ко пресвѳтлыми зарѳями просвещѳаема,\* мно́гих чудѳс наполняѳщая\* от честных и многоцелѳбных мѳщѳй преподѳбнаго ѳца́ Ио́ны,\* всю вселѳнную созывает похвалѳти подвѳиги его́.\* Тем вси, сошедшеся,\* того́ обрѳтение в пѳснях и пѳниих весело прѳзднующи,\* воспѳем Христа́ Бо́га нашего,\* да подаст нам моли́твами его́ мир и вѳлию мѳлость.

**Н**астѳ днесь свѳтлое торжество\* пренесѳния мѳщѳй Богоблаженнаго ѳца́ Ио́ны:\* приѳдите, вси вѳрнии,\* Цѳрковь Бо́жию пѳсньми венчаѳем\* и в ней просла́вим в Троѳице пѳваѳемаго Христа́ Бо́га нашего,\* вопиѳюще и глаго́люще:\* Ты даровѳл еси́, Владѳико Христѳе, Твоего́ угѳдника,\* граду́ нашему Киѳеву стѳну,\* всем Рѳсским концѳм крѳпкаго предстѳателя показѳл еси́,\* и христоимѳнитым лю́дем такова́го чудесопода́теля,\* и моли́твенника о душѳх нѳших.

**С**лава: глас 6.

**П**риѳдите, мона́шествующих мно́жество днесь,\* Ио́ну, благочѳстия подража́теля,\* пѳсньми и пѳньми восхва́лим\* и, честнѳю его́ и многоцелѳбнѳю ра́ку обстояѳще,\* любѳзно облобызаѳем, глаго́люще:\* радуѳся, пресла́вне Ио́но,\* ѳтѳчеству твоему́ пресвѳтлый светѳльниче.\* Радуѳся, я́ко чѳсте чѳстейшему Свѳту совокупѳся.\* Радуѳся, я́ко Троѳице предстоѳиши со Ангѳлы,\* Ю́же не-

престáнно моли́\* дарова́ти душа́м на́шим ве́лию ми́лость.

**И** ныне: Богородичен глас тойже: **Т**ворец и Изба́витель.

**На** стиховне стихиры Воскресны приходящагогласа.

**С**лава, преподобнаго, глас 8:

**М**она́хов мно́жества,\* наста́вника тя почита́ем, о́тче наш Ио́но,\* твоёю бо стезе́ю вои́стинну пра́во ходи́ти позна́хом.\* Блаже́н еси́, Христу́ рабо́тав\* и вра́жию обличи́вый си́лу,\* Ангелов собесе́днике, преподо́бных соприча́стнике и пра́ведных,\* с ни́ми же моли́ся Го́сподеви\* поми́ловатися душа́м на́шим.

**И** ныне, Богородичен, глас тойже: **Б**езневёстная Де́во.

**На** благословении хлебов Богородице Дево дважды и святаго единожды.

**Т**ропарь, глас 4:

**Т**вои́х моще́й возвра́щением\* оби́тель тво́я обогати́ся,\* це́рковь же тво́я, прие́мши я, просвети́ся,\* и, крася́щаяся, ве́рных созыва́ет с веселием\* светоно́сный тво́й све́тло пра́здновати де́нь,\* гряди́те, глаго́лющи,\* и приими́те благода́тей дарова́ния.

**НА УТРЕНИ.**

**На** Бог Господь: тропарь воскресен приходящаго гласа дважды. **С**лава, святаго. **И** ныне, Богородичен: **Ѹ**же от ве́ка.

**С**едальны по кафисмах воскресны приходящаго гласа.

**Припев** же полиелея:

**У**блажа́ем тя, преподо́бне о́тче наш Ио́но, и почита́ем цельбоносных и честных твои́х мощей обрѣтение.

**И** тропари Ангельский собор:

**По** полиелеи Ипакои приходящаго гласа и седален, глас 1.

Подобен: **Гроб** Твой:

**В**еликий па́стырь наш ны́не да похва́лится,\* мона́шеский пресвѣтлый столп да воспое́тся пѣсньми,\* просвѣща́яй нас чудес светлостью́, от пречестных егѡ́ мощей исходя́щими,\* и я́ко росода́тельный о́блак, погаша́яй пла́мень страстей на́ших\* и ороша́яй ве́рных ра́зумы, Божѣственный Ио́но.

**Слава:** глас и подобен тойже:

**Гроб**, иде́же положѣн был еси́ в це́ркви твоѣй, преподо́бне,\* благоухание испу́щает приходя́щим ве́рою,\* и па́мять тво́я веселит сердца́ ве́рных.\* Тем, Влады́це предстоя́, о́тче, помина́й нас,\* ве́рою творя́щих па́мять твою́ светно́сную и всеосвященную.

**И** ныне, глас и подобен тойже:

**В**сех Творца́ Бо́га же и Содѣтеля, Всенепоро́чная Чи́стая,\* Ду́хом Божѣственным в ложесна́х зачала́ еси́,\* Егѡ́же сла́вяще, Тя воспева́ем, Де́во,\* я́ко Пала́ту Царя́ всех и ми́ра заступле́ние.

**Антифоны** степенны приходящаго гласа.

**Прокимен** глас 4: **Ч**естна́ пред Го́сподем смерть преподо́бных Егѡ́.

**Стих:** **Ч**то возда́м Го́сподеви о всех, я́же воздаде́ ми.

**Всякое** дыхание:

**Евангелие** Матфея, зачало 43.

По Евангелии поем: Воскресение Христово видевше:

По 50-м псалме: **С**лава, **М**олитвами преподобнаго отца нашего Ионы:, **И** ныне, **М**олитвами Пресвятыя Богородицы:, **С**тихира глас 6:

**Д**уха Святаго благодатию\* собравшеся днесь христоименитии,\* лик составим в честном храме отца нашего\* и, Преподобнаго славяще Владыку,\* ко Преподобному молебне воззовем:\* молися прилежно Господеви\* избавитися всякаго вреда душевного\* чтущим любовию светлый праздник\* мощей твоих возвращения.

**К**аноны: Воскресен входящаго гласа на 3 и Богородицы гласа 1 и святому 6, глас 4.

**П**еснь 1

**Ирмос:** *Отверзу уста моя:*

**П**лести пение сие малое мощей возвращению Твоего угодника, Христэ, во отвержение уст моих слово ми даруй по достоянию сего воспети, Человеколюбче.

**О**зари мя разумом к пению сему молитвами твоими, отче Ино, святости твоей вещати словеса похваления, яко живу ти сущу, живи бо Богу праведнии вси.

**П**ренесения твоего честную восхваляющую ми, отче преблаженне, память, с Небес просвещение подати мне моли, Ино, и душевных прегрешений прощение.

**П**оследовати восхотев Господу, блаженне, ко

преподобному Серафиму пришёл еси, с нимже в обители Саровстей затворився мира кроме, Богу неотлучен пребыл еси.

**Крестá** Господня силою укрепляясь, страсти душевныя и плотское мудрование духу покорил еси, и сего ради Духу Пресвятому прекрасная обитель быв и нераздельная Троицы избранно покоище.

**Богородичен:** **О**святї, Владычице, оскверненное сердце мое, Яже Пресвятое Слово рождающая, сущи всех Святейшая Вышних сил, Единая Всепетая.

**Катавасия:** *Крест начертав:*

Песнь 3

**Ирмос:** *Твоя песнословцы:*

**Х**валю твоё в пустыни пребывание, улажаю яже в ней подвиги, прославляю ангелоподобное воздержание, почитаю память твою, воспеваю и честных мощей твоих возвращение.

**С**вет немерцающий возсия тебе, яко праведнику, егже от юности правым сердцем взыскал еси, Ионо. Сего ради во Свете неприступнем вечно веселишися.

**С**обрася тогда множество иночествующих с наставником, еже пренести мочи преподобнаго Ионы, с ними и мы днесь в память пренесения его духовно празднуем.

**Н**есть лепо овцам своего лишённым быти пастыря, ни пастырю такожде своя овцы оставляти, твои ученицы, собравшися, глаголаху, отче Ионо.

**Н**е добро есть пребывать учителю нашему вне обители и церкви своей, юже сам основал есть, твои ученицы глаголаху, отче преподобне.

**Богородичен:** **К**роплением милости Твоея, Де-

во, углие погаси моих страстей, Богорадованная, и угасший возжзи светильник сердца моего, златый свещнице, Всенепорочная.

**Кондак, глас 8. Подобен: Взбранной:**

**Н**аследник отцев был еси, преподобне, тех последую житию и учению, обычаю и воздержанию, молитве же и предстоянию. С нимиже, имея дерзновение ко Господу, прощение согрешений и спасение испроси вопиющим ти: радуйся, отче Ионо.

**Икос:**

**А**нгельски пожив на земли, преподобне, Ангелов похвалы на Небеси сподобился еси: како убо воспою твое пресветлое житие и премногия твоя добродетели, знамения же и чудеса, имиже вся просвещаеши, яко солнце? Темже вопию тебе таковая: радуйся, от младенства Христу последовавший; радуйся, вся земная яко уметы вменивший; радуйся, прилоги страстей умертвивый; радуйся, обличивый начала тмы и власти; радуйся, Небесных взыскавший паче земных; радуйся, вожделевый премудрости Божия; радуйся, сподобивыйся зрети Непостижимаго; радуйся, Троицы Пресвятыя проповедниче; радуйся, Богородицы служителю; радуйся, иноков славо и похвало; радуйся, имже избавляемся от вреда вражия; радуйся, о немже спасаемся вси. Радуйся, отче Ионо.

**Седален, глас 4. Подобен: Явился еси днесь:**

**П**амять боящихся Бога веселит верных, придите убо, и мы в память пренесения преподобнаго отца нашего Ионы воспоем Бога, сего прославльшаго.

**Слава, и ныне, Богородичен, глас 3. Подобен: Красоте девства:**

**Н**едомысленно и непостижимо есть, Владычице Богорадованная, еже соделанное на Тебе

стра́шное Бо́жие та́инство: и́бо Необыме́ннаго, заче́нши, роди́ла еси́, плóтию обложéна от пре́чистых крове́й Твои́х, Егóже всегда́, Чи́стая, яко Сы́на Твоего́ моли́ спасти́ся душа́м на́шим.

**Песнь 4**

**Ирмос:** *Седя́й в славе:*

**П**росвети́ся днесь пресла́вно храм Трóицы, приéм своего́ служи́теля преподо́бнаго, сия́юща светови́дно и лучи́ исцелéний испу́щающа всем неоску́дно с ве́рою к нему́ приходя́щим.

**Б**лаго́е совещáние ва́ше, о богоблаже́ннии отцы́, кра́сное совокупле́ние, по́стнический собо́ре, я́ко потща́стесь пренести́ ва́шего па́стыря и учи́теля, светозáрнаго свети́льника, бо́драго ума́.

**М**есто, иде́же положéны бы́ша честны́я мо́щи твоя́, преподо́бне, ископова́ша, егда́ обрето́ша, áбие наслади́шася благоухáния Ду́ха Свята́го, обильным исцелéнием всех сердца́ веселя́щаго.

**Т**воя́ обитель, видéвши тя днесь, я́ко жи́ва, к ней возвра́щающаяся, возра́довася неизрече́нно и с любóвию прия́ тя мно́гою, я́коже отца́ своего́ и те́плаго заступника́.

**Богородичен:** **Г**мирéнное, Еди́на Чи́стая, и прокаже́нное се́рдце моё́ нечи́стыми страсте́й наведе́нии, я́ко врач, исцели́ и руки́ бесóвския исхи́ти.

**Песнь 5**

**Ирмос:** *Ужасошася:*

**Я**ко кри́н благово́нный, от земны́х недр изда́шася честны́я мо́щи твоя́, преблаже́нне Ио́но, и, я́ко сокрови́ще, чудес зарю́ испу́щают, веселя́ще духо́вная ча́да твоя́.

**И**ноков сосло́вие и вси ны́нешняго ро́да правосла́внии, стéкшеся усéрдно, к ра́це припаде́м дивна́го Ио́ны, да кийждо дар ра́вен

усердию своему примет.

**М**ноголѣтнее пощѣние, яко в чуждем телеси, страдальчески прешед, ко Господу взыде, насыщатися пищи нетлѣнныя со всеми святыми.

**Ѹ**же от погоста Зверинѣцкаго мощей твоих возвращение днесъ празднующе, любовь изрядную, яже к тебе, показуем и, пѣснями похвальными усердно тя ублажающе, милости Божия просим получитьи молитвами твоими.

**У**мертвѣвъ плотское мудрование, страстей море мятѣжное изсушил еси, единою надеждою вечных благ укрепився, яже ныне приял еси, преподобне, известно.

**И**оно всечестне, Ангелов равностоятелю, твоих мощей возвращение чтуще, якоже Давид пред сѣнным ковчегом, скачуще духом, с верою играем, веселящися.

**Богородичен:** Песнопоя Тя, Всепѣтая, славлю величия Твоя. Темже нечистых мя страстей избави и вечныя славы сподоби.

Песнь 6

**Ирмос:** Божественное:

**П**риидите, вернии, пѣсни духовныя приносяще, Ионоу любовию ублажим и по долгу воспоем, память пренесения его светло празднующе.

**В**оспоем светлаго, изряднаго в чудесех, великаго в добродѣтелях, добляго житием, славнаго угодника Живоначальныя Троицы и Пречистыя Богородицы, блаженнаго Ионоу.

**Н**а Небесех ныне ликовствуя со Ангельскими воинствы радостно, отче пребогате Ионо, благодать и спасение даровати молися любовию поющим тя.

**Н**а страсти мужески подвизався, отче, бесом сопротивился еси доблественно и, плоть покорив

дѹху, блаженство достигъ вѣчнующее.

**М**ира попечѣние отринув и славу его нивотчѣже вменив, славы будущаго взыскал еси, молчаніем возлюбивъ Богу угоудити на земли. Тем Той ты прослави, преподобне, на Небесѣх.

**Богородичен:** **У**ма моего уврачуи сокрушеніе, Всенепорочная, исцели страсти души моея и унынія тму потреби, яко да во хвалѣнии Тя пою, Присноблаженную, Богородице Всепетая.

Кондак и икос Воскресны приходящаго гласа.

Песнь 7

**Ирмос:** *Не послужиша:*

**П**обедитель миродержца, князя тмы, явился еси, враждебныя его стрелы оружіемъ крестнымъ и верою до конца сокрушивъ, зывая: Бог намъ прибежище и сила.

**Л**юбовию Божественною разжигаемъ, любвемирскія отрѣкся еси и, крест на рамо вземъ, Христу последовал еси, зовый: отецъ нашихъ Бже, благословен еси.

**Е**гоже от юности всемъ сердцемъ возлюбил еси, Бога, Тому во всей жизни усердно поработал еси, преподобне отче, зовя к Немю присно: отецъ нашихъ Бже, благословен еси.

**Т**воихъ честныхъ мощей к намъ возвращеніе насъ к любви твоей подвиже, преподобне отче, и к пенію всехъ насъ возстави, и звати научи: отецъ нашихъ Бже, благословен еси.

**Д**обродѣтели твоя, яко кадило благовонное, к Богу въздыша, темже твое нетленное тело благоуханіемъ почтѣся, егоже возвращеніе ныне празднующе, зовемъ: отецъ нашихъ Бже, благословен еси.

**Богородичен:** **П**редстательство ми буди, Пречистая, к Рождшемуся из Тебѣ, оставленіе лю-

тых долгов, и Царствия Божия Божественный вход, и пищи восприятие, и Света причастие мне подаючи.

**Песнь 8**

**Ирмос:** *Отроки благочестивыя:*

**И**же зѣмлю и море потребити хваляйся, тебе приразився, посрамлен бысть, преподобне отче, и до конца низложен, тем, духом веселяся, взывал еси: благословите, вся дела Господня, Господа.

**М**оре суетнаго жития добре преплыв кораблем воздержания, верою окормляемь и ядрилом любви Христовы носимь, в пристанище достигл еси, зовя: благословите, вся дела Господня, Господа.

**Д**ушею живый в Вышних, в земли ищущим являеши честныя твоя мощи, яже видевше целы и нетленны и благоухание испускающия, возрадовашася духом, глаголюще: Господа пойте, дела, и превозносите Его во веки.

**П**одобно есть нам всегда очима нашими видети честную раку отца нашего Иоанна и достойное поклонение всегда тому приносить, преносящии честныя мощи глаголаху, поюще: Господа пойте, дела, и превозносите Его во веки.

**Благословим Отца и Сына и Святаго Духа Господа.**

**В**еселится днесь Церковь Божия, яко царскою порфирною одевающимися, честная же обитель твоя, Богоблаженне отче Иоанне, яко многоценно сокровище, имущи честное тело твоё, различна исцеления подающе всем, верно поющим: Господа пойте, дела, и превозносите Его во веки.

**Богородичен:** **Я**вилася еси Ангелов вышши, рождши Господа, Сего убо моли, Владычице Всенепорочная, плотских вышшу ми быти ис-

кушений и Судá избáвиться б́дущаго и в́ч-  
ныя м́ки, Дево.

**Песнь 9**

**Ирмос:** *Всяк земнородный:*

**П**лотскія стра́сти от юности возненавидев и су́-  
етную красоту попра́в, пощ́ением к Бо́гу превоз-  
вы́сился еси́, и ны́не, со Ангелы предсто́я Госпо-  
деви, моли́ о чту́щих па́мять твою́.

**Т**ы па́стырь истинный Христо́ва ста́да был еси́,  
о нёмже моли́ти не преста́й всегда́, преподо́бне,  
дарова́ти нам согреш́ений оставле́ние, Бож́ест-  
венное заступле́ние и в́чное ра́дование.

**М**есто, на нёмже сам прё́жде сме́рти своея́ по-  
велёл еси́ полож́ену тебе́ бы́ти, приёмше ны́не  
честно́е т́ло твоё, исцелёние подава́ет приходя́-  
щим с ве́рою.

**И**оно́ всечестне, це́рковь и су́щая в ней ча́да  
твоя́, от враг ви́димых и невидимых сохраня́й,  
окормля́я ко спасе́нию, в стра́шный же День су-  
да́ в своя́ с собо́ю Небе́сная селе́ния приёма́.

**Т**я Христо́с чуде́сными дарова́ньми просла́ви,  
ещё на земли́ живу́щаго, о́тче, и нетле́нно т́ло  
твоё по сме́рти соблюде́, е́гоже возвраще́ние по  
си́ле днесь любóвию восхваля́ем.

**Богородичен:** **С**паси́ мя, Чи́стая, Спа́са ро́жд-  
шая Всеще́драго, ущедри раба́ Твоего́ и к пока́й-  
ния пу́ти наста́ви, лука́ваго же собла́зны от сре-  
ды́ отжени́, и того́ мя избáви ловле́ния, и огня́  
в́чнаго исхити́.

**С**ветилен воскресен от столпов,

**С**лава, святаго: **П**одобен: **Н**е́бо звездами:

**П**а́мять обрётения честных твои́х мощей днесь  
пра́зднующе, вопие́м: со Ангелы предсто́я в дерз-  
новении́ мно́зе, всех нас, о́тче, помина́й ко Вла-  
ды́ще Христу́.

**И** ныне, Богородичен воскресен от столпов.

**На** хвалитех ставим стихов 8 и поем стихиры воскресны приходящаго гласа 4 и преподобнаго 4, глас 8. Подобен: **♦**, преславнаго чудесэ:

**Преподобне** отче Ионо,\* пастьря ты постави Господь\* Своему стаду;\* ты бо себе наздав\* на основани добродетелей,\* церковь быти Богу, блаженне, сподобися,\* всегда разумному Свету предстоя,\* по достоянию от Него прославляемь.\* Тем же ты чем и ублажаем.

**Преподобне** отче, всечестне Ионо,\* окрест мощей твоих предстояще,\* восхваляем труды твои и страдания,\* славим равноангельное воздержание,\* дивимся чудесем, имиже обогатился еси,\* возвещаем честная пренесения,\* усердно поем днесь возвращение\* и согласно зовем в честном храме твоём.\* проси нам мира и велия милости.

**Стих:** Честна пред Господем смерть преподобных Его.

**Преподобне** отче Ионо,\* ты усердно Богу послужил еси,\* иночествовав молчанием\* и воздержанием шествуя,\* смирением украшаяся\* и всеми добродетельми просвещен,\* вечных благ получил еси.\* Тем и мы, честную твою обстояще раку,\* ты прославляем.

**Стих:** Праведник яко финикс процветет, яко кедр, иже в Ливане, умножится.

**Преподобне** отче Ионо,\* аще и телом отлучился еси от нас,\* но духом с нами всегда пребываеши;\* се бо, и по смерти являеся, нас посещаеши,\* от напастей избавляя\* и печальныя утешая,\* погибшая являя\* и больныя исцеляя предстательством твоим.\* Тем же ты вси верно ублажаем.

**Слава**, глас 6.

**Приидите**, тело обступим дивнаго Ионы много-терпеливное, бесы посрамившее и Ангелы возве-

селівшее, житиём жестоким Бóгу угодівшее и лётными прехождёнными тлению неподпадшее. Веселитесь, иноцы, в горé Зверинецтей живущии, се бо преподобный с вами жителствовати паки прииде, и доблественне на страсти дерзайте, наставника имуще, невидимо вас своими молитвами укрепляюща, к немуже вкупе вси возопиим, глаголюще: радуйся, Ионо, Троицы честное жилище, рай жителю и Царствия Христова наследниче. Радуйся, чудес множеством от Христа Бóга нашего обогащенный, молитвенниче и теплый наш предстателю. Но яко дерзновение имея ко Господу, не престаи молиться о иже верою и любовию почитающих честную память твою.

**И** ныне, глас 2: **П**реблагословенна:

**С**лавословие великое, тропарь воскресен гласа, и отпуст.

**С**лава, и ныне, стихира **Е**вангельская от столпов.

**Н**а 1-м часе, и на литургии служба воскресна и храма.

**Н**а часех тропарь воскресен приходящаго гласа, Слава, преподобному. Кондаки Воскресен и преподобному пременяюще глаголем.

**Антифон 1.**

**Д**ивен Бог во святых Своих, Бог Израилев.

*Молитвами Богородицы, Спасе, спаси нас.*

**С**е удалихся, бегая, и водворихся в пустыни.

*Молитвами Богородицы, Спасе, спаси нас.*

**К**олена моя изнемогоста от поста, и

плоть моя изменися елѣя ради.

*Молитвами Богородицы, Спасе, спаси нас.*

**С**лезáми постѣлю мою омочú.

*Молитвами Богородицы, Спасе, спаси нас.*

**С**лáва Отцú и Сыну и Святому Дúху, и ныне, и присно, и во вѣки веков, амíнь.

*Молитвами Богородицы, Спасе, спаси нас.*

**Антифон 2.**

**Т**ерпя, потерпѣх Господа, и внят ми, и услыша моли́тву мою.

*Спаси ны, Сыне Божий, во святых дивен Сый, поющия Ти: аллилуйя.*

**Д**а исповѣдятся Тебѣ, Господи, вся дела Твоя, и преподобнии Твои да благословят Тя.

*Спаси ны, Сыне Божий, во святых дивен Сый, поющия Ти: аллилуйя.*

**И** увѣдите, яко удивí Господь преподобнаго Своего.

*Спаси ны, Сыне Божий, во святых дивен Сый, поющия Ти: аллилуйя.*

**И** утрудíхся в век, и жив будет до конца.

*Спаси ны, Сыне Божий, во святых дивен Сый, поющия Ти: аллилуйя.*

**Г**лава: И ныне: **Є**динорóдный Сыне.

**А**нтифон 3.

**Ч**естна пред Господем смерть преподóбных Егó.

**Т**ропарь, глас 4:

**Т**вои́х мощѣй возвращѣнием\* обитель тво́я обогатѣся,\* цѣрковь же тво́я, приѣмши я, просветѣся,\* и, красящися, вѣрных созывает с весѣлием\* светонóсный твой свѣтло прáздновати дѣнь,\* грядѣте, глагóлющи,\* и примите благодáтей даровáния.

**Х**ранит Господь дýши преподóбных Свои́х.

*Тропарь.*

**П**ойте Господеву преподóбнии Егó и исповѣдайте пáмять святы́ни Егó, во всех лю́дех чудеса́ Егó.

*Тропарь.*

**В**ходное:

**В**ѣлий Господь Наш, и вѣлия крѣпость Егó, Той даст síлу и держáву лю́дем Свои́м, благословѣн Бог.

**П**о входе тропарь воскресен гласа и Троеручице, и Преподобному. Кондаки: Воскренсен; Слава, Преподобному; И ныне, Троеручице.

**П**рокимен воскресен приходящаго гласа и преподобному, глас тойже: **Ч**естна:

**А**постол к Галатом зач. 203, ряд (под зачало) и преподобному к Евреом зач.335

**Е**вангелие Марка зач 37, ряд (под зачало) и пре-

подобному Матфея зач.43.

Поется Достоинно есть.

Причастен воскресен и преподобному.

## МОЛИТВА

✠, священная главо, ангеле земный и человеце небесный, преподобне и богосносне отче наш Ионо, изрядный угодниче Пресвятыя и Единосущныя Троицы, являющий многия милости живущим во святей обители твоей, и всем, с верою и любовью притекающим к тебе. Испроси нам вся благопотребная к житию сему временному, и нужная к вечному спасению нашему. Пособствуй предстательством твоим, угодниче Божий, всем нам, к мощем твоим святым припадающим, на враги видимыя и невидимыя одоление, да в мире глубоче пребудет Святая Православная Церковь Христова, и в благоустроении зиждется обитель, юже ты основа, во всяком благочестии нерушимою. Буди всем нам, чудотворче святей, помощник скорый во всякой скорби и обстоянии. Наипаче же в час кончины нашея явися нам заступник благосердый, да не предани будем на мытарствах воздушных власти злобнаго миродержца, но да сподобимся непреткновеннаго восхода в Царствие Небесное. Ей, отче молитвенниче наш присный! Не посрами упования на-

шего, не презри смиренная моления наша, и предстательствуй за нас пред престолом Живоначальных Троицы, да сподобимся вкупе с тобою и со всеми святыми мы, недостойнии, в селениях райских славити величие, благодать и милость единаго в Троице Бога, Отца и Сына и Святаго Духа во веки веков.

**А** идеже прилучится быти празднику сему во отдавание Воздвижения, тамо:

**Н**а велицей вечерни, на Господи воззвах, стихир 10: воскресны 3: и восточна 1: И праздника 3, глас 6: Крест воздвизаемъ: И Ионы 3. Слава, праздника, глас 2: Приидите вси языцы: И ныне, Богородичен 1й, настоящего гласа. Вход. Прокимен дне. На литии стихиры праздника: Слава, и ныне, праздника. На стиховне стихиры воскресны гласа. Слава, и ныне, праздника. На благословении хлебов тропарь праздника дважды и святому, глас 4, единожды.

**Н**а утрени, на Бог Господь, тропарь воскресен гласа дважды, Слава, святому, и ныне, праздника. И до полиелея все воскресно. Величание святому. Ангельский собор. Ипакои гласа, и седальны святого с богородичном их. Степенны гласа. Прокимен и Евангелие Преподобному, иже указася в службе сей. Воскресение Христово видевшие, и по 50-м псалме яко указася в службе сей. Каноны: Воскресен на 3, и Богородицы гласа на 1, и праздника на 2, и Преподобнаго на 4. Катавасия, Крест начертав:. По 3-й песни кондак и икос праздника, и седален святого, Слава, и ныне, праздника. По 6-й песни кондак и икос святого. Светилен воскресен от столпов, Слава, святого, и ныне, богородичен воскресен от столпов. На хвалитех ставим стихов 8 и поем стихиры воскресны, 3: и свя-

таго 2: и праздника 3, с припевы его. Слава, свя-  
таго. И ныне: Преблагословенна еси: и прочая  
службы, на утрени и литургии. На часах тропарь  
воскресен, а праздника и святого глаголем пре-  
меняюще. По Отче наш кондак воскресен и празд-  
ника и святого глаголем пременяюще же. На ли-  
тургии по входе тропарь воскресен и праздника и  
святого. Кондак воскресен, Слава, святого, и ны-  
не, праздника.

**Т**огожде дне, в онь же празднуем память свята-  
го, вечера, бывает отдание праздника за почесть  
храма.

**З**ри, аще ли случится на утрие храма: Неделя  
или праздник Христов, или Богородицы, или ве-  
ликаго святого имущаго бдение, или полиелей, или  
вход, или паремии, и тогда на вечерни храма от-  
дание не бывает.

**Н**а Господи воззвах, стихиры святого 3: и стихи-  
ры рядоваго святого 3. Слава, святого: И ныне  
Праздника. Сподоби Господи: Исполним вечер-  
нюю: На стиховне, стихиры Праздника. Слава, свя-  
таго, и ныне, Праздника. По Трисвятом тропарь  
храма: Слава, святого, аще есть: И ныне, Празд-  
ника. И тако отдается служба храма.

**З**ри, яко по отдании Праздника Воздвижения  
придет отдание и сему святому, твори сице.

**Н**а Господи воззвах, стихиры святого 3: и стихи-  
ры рядоваго святого 3. Слава, храма: И ныне Бо-  
городичен воскресен 1й тогожде гласа (аще и в  
среду и в пяток прилучится сие). Входа нет. Спо-  
доби Господи: Исполним вечернюю: На стиховне,  
стихиры храма (зри на Хвалитех со стихами их).  
Слава, храма, и ныне, Богородичен воскресен во  
глас славы. По Трисвятом тропарь храма: Слава,  
святого, аще есть: И ныне, Богородичен воскре-  
сен во глас. И тако отдается служба храма zde.

